

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA KUMI NA MOJA

KIKAO CHA TISA

13 APRILI, 2018



ORODHA YA SHUGHULI ZA LEO

MKUTANO WA KUMI NA MOJA

KIKAO CHA TISA – TAREHE 13 APRILI, 2018

I. DUA:

II. MASWALI:

OFISI YA RAIS (TAMISEMI):

**68. MHESHIMIWA DESDERIUS JOHN MIPATA
(NKASI KUSINI):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Serikali kupitia mradi wa Mfuko wa Benjamini Mkapa ilidhamiria kujenga na kukamilisha huduma ya upasuaji kwenye Kituo cha Afya cha Kata ya Kala na baada ya Mfuko huo kuacha shughuli zake hakuna juhudi inayoendelea:-

(a) Je, kuna mpango wowote kuendeleza nia hiyo njema;

(b) Kwa kuwa Kituo hicho kina upungufu mkubwa wa Wataalamu; Je, Serikali ina mpango gani wa kuongeza Watumishi wakiwepo Wauguzi.

WIZARA YA AFYA, MAENDELEO YA JAMII, JINSIA, WAZEE NA WATOTO:

69. MHESHIMIWA AIDA JOSEPH KHENANI (VITI MAALUM):

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Katika Hospitali ya Rufaa ya Rukwa kumekuwepo na tatizo la Wanawake Wajawazito na waliojifungua kulazwa katika kitanda kimoja:-

Je, Serikali ina mkakati gani wa kumaliza tatizo hilo katika Hospitali hiyo.

70. MHESHIMIWA FATMA HASSAN TOUFIQ (VITI MAALUM):

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Kutokana na ugumu wa maisha na mabadiliko ya mtindo wa kuishi, baadhi ya Wananchi wamekata tamaa ya kuishi:-

(a) Je, Serikali ina utaratibu gani wa kutoa elimu ya unasihi kwa wale wanaohitaji;

(b) Je, ni Vyuho vingapi hapa nchini vinatoa Wataalam wa elimu ya unasihi.

71. MHESHIMIWA AZZA HILLAL HAMAD (VITI MAALUM):

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Hospitali ya Rufaa ya Mkoa wa Shinyanga inakabiliwa na upungufu wa Madaktari Bingwa:-

Je, ni lini Serikali itapeleka Madaktari Bingwa katika Hospitali hiyo.

WIZARA YA NISHATI:

72. MHESHIMIWA ALBERT OBAMA NTABALIBA (BUHIGWE):

Atamuuliza Mheshimiwa Waziri wa Nishati:- Utekelezaji wa mradi wa umeme wa REA Wilayani Buhigwe unasuasua sana:-

Je, ni lini Vijiji vyote na Vitongoji vyake pamoja na taasisi za Umma zitapata umeme.

73. MHESHIMIWA EMANNUEL ADAMSON MWAKASAKA (TABORA MJINI):

Atamuuliza Mheshimiwa Waziri wa Nishati:-
Katika Jimbo la Tabora Mjini hasa Vijiji na Kata
zilizopo nje ya Manispaa ikiwemo Kata ya Tumbi
na Vijiji vinavyoizunguka Kata hiyo
havijajumuishwa katika Mpango wa REA Awamu
ya Tatu:-

Je, ni lini Serikali itapeleka umeme wa REA katika
Kata na Vijiji hivyo.

WIZARA YA MALIASILI NA UTALII:

**74. MHESHIMIWA JULIUS KALANGA LAIZER
(MONDULI):**

Atamuuliza Mheshimiwa Waziri wa Maliasili na
Utalii:-

Je, ni lini Serikali itatoa fidia stahiki kwa Wananchi
ambao mazao yao yaliharibiwa na Wanyama Pori
tangu mwaka 2010 hadi 2017 katika maeneo ya
Mswakini, Makuyuni, Naiti, Mbuyuni Lokisale na
maeneo mengine Wilayani Monduli.

**75. MHESHIMIWA AUGUSTINO MANYANDA
MASELE (MBOGWE):**

Atamuuliza Mheshimiwa Waziri wa Maliasili na
Utalii:- Pori la akiba la Kigosi Moyowosi linakabiliwa
na tatizo sugu la kutokuwa na barabara za uhakika
kwa ajili ya shughuli za utalii na doria:-

- (a) Je, ni lini Serikali italifufua Greda aina ya katapila lenye namba za usajili ST 892 lililosimama kufanya kazi tangu mwaka 2015 ili lisaidie kukarabati barabara;
- (b) Kwa kuwa gari aina ya *Grand Tiger* linalotumika kwa shughuli za utawala limekufa, Je, ni lini gari hilo litatengenezwa au kuleta gari lingine ili lisaidie shughuli za utawala katika Pori la Kigosi Moyowosi.

**WIZARA YA MAMBO YA NJE NA USHIRIKIANO
WA AFRIKA MASHARIKI:**

**76. MHESHIMIWA HAJI KHATIB KAI
(MICHEWENI):**

Atamuuliza Mheshimiwa Waziri wa Mambo ya Nje na Ushirikiano wa Afrika Mashariki:- Wizara ya Mambo ya Nje na Ushirikiano wa Afrika Mashariki imejenga tabia ya kufuatilia matatizo wanayopata Watanzania wakiwa nje ya nchi hasa Wavuvi ambao wanakwenda kuvua Pwani ya Kenya:-

- (a) Je, Serikali inatatua matatizo haya baada ya ufuatiliaji;
- (b) Je, ni kwa nini Serikali isishirikiane na Balozi zetu zilizopo Nairobi Kenya ili kujua

changamoto zinazowakabili Wavuvi hasa Watanzania.

III. HOJA ZA SERIKALI:

**WAZIRI WA NCHI, OFISI YA RAIS (TAMISEMI) NA
WAZIRI WA NCHI, OFISI YA RAIS (UTUMISHI NA
UTAWALA BORA):**

Kwamba, Bunge sasa likubali kupitisha Makadirio ya Mapato na Matumizi ya Ofisi ya Rais (TAMISEMI) na Ofisi ya Rais (Utumishi na Utawala Bora) kwa Mwaka wa Fedha 2018/2019.

(Majadiliano yanaendelea)

**DODOMA
13 APRILI, 2018**

**S. KAGAIGAI
KATIBU WA BUNGE**